

國粹叢書第三集

野史八  
種之一

東江始末

國學保存會印行



3 0471 4681 0

FOR A COMPLETE LIST OF BOOKS IN THIS SERIES, SEE THE...

東江始末

東吳栢起宗王孫父述京

平遼總兵官毛文龍者瀋之錢塘人也起家行伍當遼左失陷時

警業三南

夜襲鎮江城遂踞海島創為牽制之說媚逆璫為奧援歲糜金錢數十萬

秩都督滿門封蔭舉朝無不患之而舊督師袁公崇煥聞召還京見九列諸

公咸舉此事相商確袁公應以當徐圖之華亭公造袁寓屏去左右低徊再

四袁公曰入其軍斬其帥效古人作事某饒為之華亭公聞而奇之袁公召

對出秘陳方略大稱上意賜之蟒玉上方予以便宜行事袁公陞辭蒞任收

拾關寧兵馬未暇及此每章奏必及之收其心冀其改也至關寧營制已定

於是始議文臣以監之其不以道臣而以餉司者令其將若兵有所利而無

疑也又嚴海禁以窘之以張繼善橫截旅順不許一人入其軍而改貢道於

寧遠皆所以圖文龍也袁公安排已定文龍有死無生矣為文龍者束身歸

647806  
241

927729

命於朝廷一聽督師節制其爲今是昨非則有生無死無奈其毒之所積殞及厥躬自作自受無足惜也且自速其死如駁廷臣之疏信口魚依進登索餉肆行劫掠袁公於是決意東行深入其地遂於崇禎一年五月二十二日發牌仰旗鼓司查東江官兵見在清江者給賞隨登岸乘輕騎標下各官當有龍武後營都司金鼎卿帶船二十八隻接應俱列坐賜酒二十四日賞東江官兵每名行糧二斗登岸試放佛郎機遠者聞五六里近者三四里登嶺指畫形勢云可議屯二十五日未時分東北風起自北汛水開洋歷大王山風轉是夜大霧諸船從大洋飄一夜次早收泊中島二十六日齊泊雙島二十七日南風大未開船見本島白骨暴露如薺抵岸立散與諸將酒飯有登州海防左游擊尹繼何叩見蒙調兵船四十八隻已到二十八日午時風順穿歷船松等島小里山大里山猪島蛇島蝦蟆島將船泊雙島此處離旅順陸路十八里水路四十里旅順游擊毛永義叩見登島嶺謁龍王廟督師向

衆將云昔我國初中山王開平王諸君子始戰鄱陽采石繼戰於沙漠北衆軍水戰勝馬步戰亦勝始得驅逐胡元以成一統今水營止以船閒守豈能連騎入水戰乎本部院若復河東不以水汎了事且要用之陸地各將毋得虛冒賜各將酒飯快船稟報毛帥已至因夜未見六月初一日毛帥見上下交拜毛帥親進禮帖三封小飯二桌傳入毛帥側坐茶叙止收小飯毛帥出回看毛鎮茶叙云今遼東海外只本部院與貴鎮二人務必同心共濟方可結局本部院歷險至此願相商爲進取計軍國大事在此一舉本部院有個良方不知患者肯服此藥否毛帥云文龍海外人耳也有許多功只因小人之說錢糧缺少又無器械馬匹不曾遂得心願若一一應付要幫助成功也不難辭回傳免謝分付船上不便供應毛帥帳房留飯督師屈體待之杯酒款之毛帥若有所不屑者督師宣諭皇上神聖與堯舜湯武合爲一君當勉爾疆場而毛帥若怏怏不得志且謂熹宗皇帝恩逮之隆袁不覺失色及叩其

方畧則云寧遠兵馬俱無用止用東江二三千人藏之隱處一把火遂了東夷袁愈訝之二更方散初二日毛請袁公登島禮畢東江將官叩見又夷丁叩見賞夷丁每名銀一兩米一石布一疋毛姓兵丁帶刀環遠袁公叱退與之言節制及更定營伍以道廳爲監臨毛悍然不樂而咬牙切齒恨閻鳴泰武之望二人其意在袁也三更方散初三日差官謝毛帥又置酒請督師袁公便服登島密諷之曰久營邊寨杭州西湖儘有樂地毛應之曰久有此心但職惟知滅奴孔竅滅了東奴朝鮮又弱可襲而有也袁公曰朝廷念君勤勞當有代君者毛曰此處誰代得有傲慢不悅意酒散袁公傳令副將汪翥叙話反覆婉諭再四開導欲其親信左右提醒也二更方出初四日賜東江兵三千五百七十五員賞銀三五百兩不等兵每名一錢又將帶來銀十萬兩交卸東江官明白傳令徐旗鼓王副將謝營將叙話出行文毛帥自旅順以東行毛帥印信西行督師印信又行文定營制又行文恢復鎮江旅順事

俱未遵依遂於初五日袁公授計隨行將官謝尙政等布置已定傳令登岸擺圍較射頒賞先設一帳房於山上袁公坐以待之毛帥果來謝與之坐毛帥曰老夫人何日起身袁公應曰寧遠重地本部院來日便行今邀貴鎮島上盤桓觀兵角射毛帥領從袁公又云明日不能踵謝國家海外重寄合受本部院一拜并相約減從往島山謝參將陪傳號令各營兵四面擺圍毛帥隨從官百餘員俱繞在圍內其兵丁截在營外袁公問東江各官姓名俱應姓毛毛帥云這都是敝戶小孫袁公云你們那裏都姓毛是出乎不得已這樣好漢俱人人可用我前的官有許多俸兵有許多糧尙然不能飽你們海外勞苦每名只得米一斛甚至家有數口俱分食這米乏億至此情寔酸痛你們受我本部院一拜爲國家出力自後不愁無餉各官感泣叩頭再四隨問毛文龍云本部院節制四鎮清嚴海禁寔恐天津登萊受腹心之患今請設東江餉部錢糧由寧遠達東江亦便昨與貴鎮相商必欲解銀自往登萊

糴買又設移鎮定營制分旅順東西節制并設道廳稽查兵馬錢糧寔數俱不見允終不然只管混帳過去費壞朝廷許多錢糧要東江何用本部院披肝瀝膽與你談了三日只道你回頭是遲也還不遲那曉得你狼子野心總是一片欺誑到底目中無本部院猶可方今聖天子英武天縱國法豈容得你語畢向西叩頭請皇命拏下文龍剝去冠裳文龍尙有抗意督師又責云你道本部院是箇書生本部院是朝廷一箇首將你這毛文龍有應斬十二罪你可知麼兵馬錢糧不經查核夜郎自據橫行一方專制孰甚一當斬說謊欺君殺降誅順全無征戰却佔首功欺誑孰甚二當斬剛愎撒潑無人臣禮牧馬登州問鼎白下大惡不道三當斬每歲侵餉銀十萬每月給米三斗五升尅減軍糧四當斬私開馬市潛通島夷五當斬命姓賜字不出朝廷走使輿臺濫給剖付犯上無等六當斬劫掠商人奪船殺命積歲所爲劫贓無算身爲盜賊七當斬部將之女收而爲妾民間之婦沒而爲奴好色誨淫八



當斬逃難遼民不容渡海日給碗米令往掘參畏不肯往餓死島中草菅民命九當斬拜魏忠賢爲父迎冕旒像於島中至今陳汝明一夥盤踞京師交結近侍十當斬奴酋攻破鐵山慘殺遼人無數逃竄皮島掩敗爲功十一當斬開鎮八年不復寸土觀望養寇十二當斬這都是你的罪案今日殺了毛文龍本部院若不能恢復全遼以還朝廷願試尙方以償爾命又宣言各官曰毛文龍這十二罪你們說該殺不該殺若本部院屈殺了他你們上來就殺我反以身從之衆官俱相視失色叩頭哀告文龍神頹魄喪不能復言但云文龍自知死罪只求老爺開恩袁公云你不知國法久了若不殺你這一塊土非皇上所有向西叩頭請尙方劍令水營都司趙可教何麟圖監斬令旗牌官張國柄執尙方劍斬文龍首級於帳前卽分付將頭付他親人備好棺木安葬圍外兵丁洵洵見我兵益整勢不能犯督師又喚東江各官來見云本部院今日只斬文龍一人以安海外兵民這是殺人安人爾各將照舊

供職各復原姓爲國報効罪不及爾不必憂疑又分付將東江兵二萬八千分爲四協殺其父用其子毛承祿管一協用旗鼓徐敷湊管一協還有二協東江衆官請游擊劉興祚副將陳繼盛二員管之又分付東江官兵久被毛鎮剝削將帶來銀十萬賞各島官兵每員賞銀三兩喚賞功官同東江旗鼓馮有時將見在官兵一千八百員名共賞銀一千四百兩以彰信賞必罰之意其餘四協照例給與又諭馮旗鼓速差人往旅順宣撫又諭將毛帥印繳來東江事務權着陳繼盛代管俟那一協建功卽將此印題授與他諭畢離島登舟發牌一面安撫各島軍民票行登州游擊尹繼何速備堅船二十隻候用又行文毛承祚先令安撫後有所欠商銀着卽辨償還又使小帖云戶部委官陳越割授守備督運各島糧餉又發稿寫四協割付又差官陳島中冤獄并擄來各商船隻俱卽查報有商人王從義等數十名訖至夜靜有徽州朱相公拂纓上船叙坐至二更方散初六日命具祭禮督師親詣文龍棺

前拜云昨日斬你是朝廷的法今日祭你是本部院的情遂下淚各將官俱下淚感歎初七日登山試演初八日差中軍至皮島取尙方劍并同符驗初九日早往旅順官軍迎接布置畢初十日晚開船十一日抵寧遠是日順風大作十二日早過江進城畢

東江始末終

之

光緒三十二年十月二十日首版  
光緒三十二年十月二十日發行

(國粹叢書東江始末)

定價洋伍分

著者

東吳栢起宗王孫父述

印行者

上海鐵馬路北愛而近路  
國學保存會

發行人

沈木廠

發行所

上海四馬路東惠福里  
國粹學報館

26. 306  
1